

宋元明清

十三經注疏匯要

中共中央黨校出版社

98.09

144

:12

中央黨校出版社
傳統文化研究組
編

宋元
明清

十三經注疏匯要

第十二冊

顧廷龍題

中共中央黨校出版社

責任編輯：吳可 王彩琴
封面設計：王岐

宋元
明清

十三經注疏匯要

編者：中央黨校出版社傳統文化研究組
出版發行：中共中央黨校出版社（北京市海澱區大有莊一〇〇號）

經銷：新華書店北京發行所

印刷：臨京古籍印裝廠

印刷日期：一九九六年一〇月

印數：五〇〇部

定價：三二〇〇元（人民幣）

圖書在版編目（CIP）數據

宋元明清十三經注疏匯要／中央黨校出版社傳統文化研究組編．—影印本．—北京：中共中央黨校出版社，一九九六．一〇

ISBN 7-5035-1390-X

I．宋…Ⅱ．中…Ⅲ．十三經—注疏．

N．B222.02

中國版本圖書館 CIP 數據核字（九六）

第三四五七號

〔宋〕朱 熹撰

四書章句集注

本冊目次

四書章句集注		〇〇一
孝經大義		二三九
孝經鄭注疏		二五一
爾雅義疏		二八九

目次

大學章句序

大學

中庸章句序

中庸

論語序說

論語卷之一

學而第一

為政第二

論語卷之二

八佾第三

里仁第四

論語卷之三

公冶長第五

雍也第六

論語卷之四

述而第七

泰伯第八

論語卷之五

子罕第九

鄉黨第十

論語卷之六

先進第十一

顏淵第十二

論語卷之七

子路第十三

憲問第十四

論語卷之八

衛靈公第十五

季氏第十六

論語卷之九

陽貨第十七

微子第十八

論語卷之十

子張第十九

堯曰第二十

孟子序說

孟子卷之一

梁惠王章句上

梁惠王章句下

孟子卷之二

公孫丑章句上

公孫丑章句下

孟子卷之三

滕文公章句上

滕文公章句下

孟子卷之四

離婁章句上

離婁章句下

孟子卷之五

萬章章句上

萬章章句下

孟子卷之六

告子章句上

告子章句下

孟子卷之七

盡心章句上

盡心章句下

校正四書集註跋

大學章句序

大學之書古之大學所以教人之法也。蓋自天降生民則既莫不與之以仁義禮智之性矣。然其氣質之稟或不能齊。是以不能皆有以知其性之所有而全之也。一有聰明睿智能盡其性者。出於其間。則天必命之以爲億兆之君師。使之治而教之以復其性。此伏羲神農黃帝堯舜所以繼天立極而司徒之職典樂之官所由設也。三

大學序

代之隆其法寢備。然後王宮國都以及閭巷莫不有學。人生八歲則自王公以下至於庶人之子弟皆入小學。而教之以灑掃應對進退之節禮樂射御書數之文。及其十有五年則自天子之元子衆子以至公卿大夫元士之適子與凡民之俊秀皆入大學。而教之以窮理正心修己治人之道。此又學校之教大小之節所以分也。夫以學校之設其廣如此教之之術其次第節

大學

序

二

目之詳又如此而其所以爲教則又皆本之人君躬行心得之餘不待求之民生日用彝倫之外。是以當世之人無不學其學焉者無不有以知其性分之所固有職分之所當爲而各饒焉以盡其力。此古昔盛時所以治隆於上俗美於下而非後世之所能及也。及周之衰賢聖之君不作學校之政不修教化陵夷風俗頹敗時則有若孔子之聖而不得君師之位以行其政教於是獨取先王之法誦而傳之以詔後世。若曲禮少儀內則弟子職諸篇固小學之支流餘裔。而此篇者則因小學之成功以著大學之明法。外有以極其規模之大而內有以盡其節目之詳者也。三千之徒蓋莫不聞其說而曾氏之傳獨得其宗。於是作爲傳義以發其意。及孟子沒而其傳泯焉。則其書雖存而知者鮮矣。自是以來俗儒記誦詞章之習其功倍於小學而無用

異端虛無寂滅之教其高過於大學而無實其他權謀術數一切以就功名之說與夫百家衆技之流所以惑世誣民充塞仁義者又紛然雜出乎其間使其君子不幸而不得聞大道之要其小人不幸而不得蒙至治之澤晦盲否塞反覆沈痼以及五季之衰而壞亂極矣天運循環無往不復宋德隆盛治教休明於是河南程氏兩夫子出而有以接乎孟氏之傳實始尊信此篇而表章之既又爲之次其簡編發其歸趣然後古者大學教人之法聖經賢傳之指粲然復明於世雖以熹之不敏亦幸私淑而與有聞焉顧其爲書猶頗放失是以忘其固陋采而輯之間亦竊附已意補其闕略以俟後之君子極知僭踰無所逃罪然於國家化民成俗之意學者修己治人之方則未必無小補云淳熙己酉二月甲子新安朱熹序

大學 今讀如字

朱熹章句

子程子曰。大學孔氏之遺書。而初學入德之門也。於今可見古人爲學次第者。獨賴此篇之存。而論孟次之。學者必由是而學焉。則庶乎其不差矣。

大學之道。在明明德。在親民。在止於至善。
程子曰。親當作新。○大學者。大人之學也。明明。則衆理而應萬事者也。但爲氣稟所拘。人欲所蔽。則有時而昏。然其本體之明。則有未嘗息者也。故學者當因其所發。而遂明之。以復其初也。新者。革其舊之謂也。言既自明其明德。又

當推以及人。使之亦有以去其舊染之污也。止者。必至於是而不遷之意。至善。則事理當然而不遷者也。言明明德。新民皆當止於至善之地。而不遷也。蓋必其有以盡去天理之極。而無一毫人欲之私也。此知止而后有定。定而后能靜。靜而后能安。安而后能慮。慮而后能得。后與後同。後。倣此。○止者。所當止之地。即至善之所在也。知之而止者。謂其有定向。靜。謂心不妄動。安。謂所處而安。慮。謂處物有本末。事有終始。知所先後。則近道矣。明德爲本。新民爲末。本始所先。末終所後。古之欲明明德於天下者。先治其國。欲治其國者。先齊其家。欲齊其

家者。先修其身。欲修其身者。先正其心。欲正其心者。先誠其意。欲誠其意者。先致其知。致知在格物。
治平聲。後倣此。○明明。明德於天下也。心者。身之所主也。誠。實也。意者。心之所發也。實其心之所發。欲其必自慊而無自欺也。致知。極也。知猶識也。推極吾之知。欲其無所不知也。格。至也。物猶事也。窮至事物之理。欲其極處無不到也。物格而后知至。知至而后意誠。意誠而后心正。心正而后身修。身修而后家齊。家齊而后國治。國治而后天下平。

治。去聲。後倣此。○物格者。物理之極處無不到也。知至者。吾心之所知無不盡也。知
既盡。則意可得而實矣。意既實。則心可得而正矣。修身以上。明明德之事也。齊家以下。新民之事也。物格。知至。則知所止矣。自天子以至于庶人。壹是皆以修身为本。正心以上。皆所以修身也。齊家以下。皆所以齊家也。其本亂而末治者。否矣。其所厚者薄。而其所薄者厚。未之有也。
本。謂身也。上。謂家也。此兩節結上文兩節之意。

右經一章。蓋孔子之言。而曾子述之。
凡二百五字。其傳十章。則曾子之意。而門人記之也。舊本頗有錯簡。今因程子

111

其滑澤也。治骨角者既切而復磋之。治玉石

者既琢而復磨之皆言其治之有緒而益致其精也。瑟嚴密之貌。獨武毅之貌。蘇宣著盛大之貌。諱忘也。道言也。學謂講習討論之事。自修者省察克治之功。恂懔戰懼也。威可畏也。儀可象也。引詩而釋之以明明德之止於至善。道學自修言其所以得之之由。恂懔威儀言其德容表裏之也。詩云於戲前王盛率乃指其實而歎美之也。詩云於戲前王不忘君子賢其賢而親其親小人樂其樂而利其利此以沒世不忘也。於戲音喝呼樂音之篇。於戲歎辭。前王謂文武也。君子謂其後賢。後王小人謂後民也。此言前王所以新民者止於至善能使天下後世無一物不得其所以。所以既沒世而人思慕之愈久而不忘也。此兩節咏歎淫洗其味深長當熟玩之。

五

右傳之三章釋止於至善。此章內自以下舊本誤在誠意章下。

子曰聽訟吾猶人也。必也使無訟乎。無情者不得盡其辭。大畏民志。此謂知本。猶人不異實也。引夫子之言而言聖人能使人實之。不致盡其虛誕之辭。蓋我之明德既明自然有以畏服民之心。故不待曉而自無也。觀於此言可以知本末之先後矣。

右傳之四章釋本末。此章舊本誤在止於信下。此謂知本。程子曰。此謂知之至也。此句之上。此特其結語耳。

大學

六

右傳之五章蓋釋格物致知之義而今亡矣。此章舊本通下章。間嘗竊取程子之意以補之。曰所謂致知在格物者言欲致吾之知在卽物而窮其理也。蓋人心之靈莫不有知而天下之物莫不有理惟於理有未窮故其知有不盡也。是以大學始教必使學者卽凡天下之物莫不因其已知之理而益窮之以求至乎其極至於用

力之久而一旦豁然貫通焉則衆物之表裏精粗無不到而吾心之全體大用無不明矣。此謂物格。此謂知之至也。

所謂誠其意者毋自欺也。如惡惡臭如好好色。此之謂自謙。故君子必慎其獨也。惡好上聲謙讀爲慊苦劫反。誠其意者自修之首也。毋者禁止之辭。自欺云者知爲善以去惡而心之所發有未實也。慊快也。足也。獨者人所不知而己所獨知之地也。言欲自修者知爲善以去其惡則當實用其力而禁止其自欺。使其惡惡則如惡惡臭好善則如好好色。

皆務決去而求必得之。以自快足於已。不可徒苟且以徇外而爲人也。然其實與不實。蓋有他人所不及知而已。獨知之。小人閒居爲不善。無所不至。見君子而后厭然。揜其不善而著其善。人之視已。如見其肺肝然。則何益矣。此謂誠於中。形於外。故君子必慎其獨也。開音。閒。厭。鄭氏讀作。閒。居。獨。處。也。厭。然。揜。之。則。是。非。不。知。善。之。當。爲。與。惡。之。當。去。也。但。不。能。實。用。其。力。以。至。此。耳。然。欲。揜。其。惡。而卒。不。可。掩。欲。許。爲。善。而。卒。不。可。詐。則。亦。何。益之。有。哉。此。君。子。所。以。重。以。爲。戒。而。必。謹。其。獨也。曾子曰。十目所視。十手所指。其嚴乎。引此大學

上文之意。言雖幽獨之中。而其善惡之不可揜。如此可畏之甚也。富潤屋。德潤身。心廣體胖。故君子必誠其意。○胖。步丹反。也。言富則能潤屋矣。德則能潤身矣。故心無愧作。則廣大寬平。而體常舒泰。德之潤身者。然也。蓋善之實於中。而形於外者。如此。故又言此以結之。

右傳之六章。釋誠意。經曰。欲誠其意。知至而后意誠。蓋心體之明。有所未盡。則其所發。必不能實用其力。而苟焉以自欺者。然或已明。而不謹乎此。則其所以非已。有而無。以爲進德之基。故此章之指。必承上章而通考之。然後有以見其用力之始終。其序不可亂。而功不可闕。如此云。

所謂修身在正其心者。身有所忿懣。則不得其正。有所恐懼。則不得其正。有所好樂。則不得其正。有所憂患。則不得其正。程子曰。身有忿懣。紛反。懣。直反。好。樂。並去聲。○忿。懣。也。蓋是四者。皆心之用。而人所不能無者。然其用之所行。或不能不失其正矣。心不在焉。視而不見。聽而不聞。食而不知其味。存。則無以檢其身。是以君子必察乎此。而敬。以修身。在正其心。此謂

大學
右傳之七章。釋正心修身。此亦承上章以起下

章蓋意誠。則真無惡。而實有善矣。所以能存。是心以檢其身。然或但知誠意。而不能密察此心之存否。則又無以直內。而修身也。○自此以下。並以舊文爲正。

所謂齊其家在修其身者。人之其所親愛而辟焉。之其所賤惡而辟焉。之其所畏敬而辟焉。之其所哀矜而辟焉。之其所敖惰而辟焉。故好而知其惡。惡而知其美者。天下鮮矣。辟爲僻。惡而之。惡。敖。好。並去聲。鮮。上聲。○人謂衆人之。猶於也。辟。猶偏也。五者。在人。本有當然之則。然常人之情。惟其所向。而不加察焉。則必陷於一偏。而身不修矣。故諺有

之曰人莫知其子之惡莫知其苗之碩葉碩音碩
叶韻時若反○諺俗語也溺愛者不明貪得者無厭是則偏之爲害而家之所以不齊也此謂身不修不可以齊其家

右傳之八章釋修身齊家

所謂治國必先齊其家者其家不可教而能教人者無之故君子不出家而成就於國孝者所以事君也弟者所以事長也慈者所以使衆也弟去聲長上聲○身修則家可教矣而國之所以事君事長使衆之道不外乎此此所以家齊於上而教成於下也康誥大學

曰如保赤子心誠求之雖不中不遠矣未有學養子而后嫁者也中主聲○此引書而釋之又明立教之本不假而推廣之耳一家仁一國興仁一家讓一國興讓一人貪戾一國作亂其機如此此謂一言債事一人定國債音奮○一人謂君也也此言教成堯舜帥天下以仁而民從之桀紂帥天下以暴而民從之其所令反其所好而民不從是故君子有諸已而后求諸人無諸已而后非諸人所藏乎身不恕而能喻諸

人者未之有也好去聲○此又承上文一人以責人之善無惡於已然後可以正人之惡皆推已以及人所謂恕也不如是則所令反其所好而民不從矣喻曉也故治國在齊其家上文詩云挑之天天其葉蓁蓁之子于歸宜其家人

其家人而后可以教國人天太平聲蓁音臻○此指女子之嫁者而言也婦人謂嫁曰歸善也詩云宜兄宜弟宜兄宜弟而后可以教國人詩小雅蓁篇詩云其儀不忒正是四國其爲父子兄弟足法而后民法之也詩曹風鵲鳴篇忒差也大學

此謂治國在齊其家此三引詩皆以詠贊其味深長最宜潛玩

右傳之九章釋齊家治國

所謂平天下在治其國者上老老而民興孝上長長而民興弟上恤孤而民不倍是以君子有絜矩之道也長上聲弟去聲倍與背同絜矩之道也絜謂有所感發而興起也孤者幼而無父之稱絜度也矩所以爲方也言此三者上行下效捷於影響所謂齊家而國治也亦可以見人心之所同而不可使有一夫之不獲矣是以君子必當因其所同推以度物使彼我之間各得分願則上下四旁均齊方正

而天下所惡於上毋以使下所惡於下毋以
事上所惡於前毋以先後所惡於後毋以從
前所惡於右毋以交於左所惡於左毋以交
於右此之謂絜矩之道絜先並去聲○此覆
義如不欲上之無禮於我則必以此度下之
心而亦不敢以此無禮於我則必以此度下之
忠事之至於前後左右無不皆然則身之所
施上下四旁長短廣狹彼此如一而無不方
矣彼同有是心而與起焉者又豈有一夫之
不獲哉所操者約而所及者廣此平天下之
要道也故章內之意皆自此而推之詩
云樂只君子民之父母民之所好好之民之

大學

士

所惡惡之此之謂民之父母樂音洛只音紙
好惡並去聲下
並同○詩小雅南山有臺之篇只語助辭言
民愛之如詩云節彼南山維石巖巖赫赫師
尹民具爾瞻有國者不可以不慎辟則爲天
下儆矣節讀爲截辟讀爲僻儆與戮同○詩
君周太師尹氏也具俱也辟偏也言在上者
人所瞻仰不可不謹若不能絜矩而好惡徇
於一己之偏則身欲國詩云殷之未喪師克
配上帝儀監于殷峻命不易道得衆則得國
失衆則失國喪去聲儀詩作宜峻詩作駿易
去聲○詩文王篇師衆也聖對

也配上帝言其爲天下君而對乎上帝也監
視也峻大也○不易言難保也道言也引詩而
言此以結上文兩節之意有天下者能存此
心而不失則所以絜矩而與民同欲者自不
能已矣是故君子先慎乎德有德此有人有
人此有土有土此有財有財此有用先謹乎德
不可不謹而言德即所謂明德有人謂得
衆有土謂得國有國則不患無財用矣德者
本也財者末也而本上文外本內末爭民施奪
人君以德爲外以財爲內則是爭其民而
施之絜矩而欲專之教也蓋財者人之所同欲不
民亦起而爭奪矣是故財聚則民散財散
則民聚外本內末故財聚爭民施奪故
民散反是則有德而有人矣是故

大學

士

言悖而出者亦悖而入貨悖而入者亦悖而
出悖布內反○悖逆也此以言之出入明貨
之出入也自先謹乎德以下至此又因財
貨以明能絜矩與康誥曰惟命不于常道善
不能者之得失也康誥曰惟命不于常道善
則得之不善則失之矣道言也因上文引文
其丁寧反覆之楚書曰楚國無以爲寶惟善
意益深切矣楚書楚語言不寶勇犯曰亡人無以
以爲寶金玉而寶善人也勇犯曰亡人無以
爲寶仁親以爲寶勇犯音文公勇孤偃字子
亡在外也仁愛也事見檀弓此秦誓曰若有
雨節又明不外本而內末之意秦誓曰若有一
個臣斷斷兮無他技其心休休焉其如有

容焉人之有技若已有之。人之彥聖其心好之。不啻若自其口出。實能容之。以能保我子孫黎民。尚亦有利哉。人之有技。媚疾以惡之。人之彥聖。而違之。俾不通。寔不能容。以不能保我子孫黎民。亦曰殆哉。○秦誓周書。斷斷誠一之貌。彥。美士也。聖。通明也。尚。庶幾也。媚。忌也。遠。拂戾也。殆。危也。○唯仁人放流之。逆諸四夷。不與同中國。此謂唯仁人爲能愛人。能惡人。○通讀爲屏。古字通。有此媚疾之人。妨賢而病國。則仁人必深惡而痛絕之。以其至公無私。故能得奸惡之正。

大學

如此見賢而不能舉。舉而不能先。命也。見不善而不能退。退而不能遠。過也。○命。鄭氏云。當當作怠。未詳孰是。遠。去聲。○若此者。知所愛惡矣。而未能盡愛惡之道。蓋君子而未仁者也。好人之所惡。惡人之所好。是謂拂人之性。菑必逮夫身。○菑。古灾字。夫音扶。○拂。逆也。好之性。則不仁之甚者也。自秦誓至此。又皆以申言好惡公私之極。以明上文所引南山有臺。節南山之意。是故君子有大道。必忠信以得之。驕泰以失之。○君子以位言之。道謂居其位而修無違謂信。驕者矜高。泰者侈肆。此因上所引文王康誥之意而言。章內三言得失。而語益

理切蓋至此而天生財有大道生之者衆食之者寡爲之者疾用之者舒則財恆足矣。○登反。○呂氏曰。國無遊民。則生者衆矣。胡俸位則食者寡矣。不奪農時。則爲之疾矣。量入爲出。則用之舒矣。愚按此。因有土有財。而此以內。未而後財可聚也。自仁者以財發身。不仁者以身發財。發猶起也。仁者散財以得仁者。上好仁而下不好義者也。未有好義其事不終者也。未有府庫財非其財者也。○上好仁下則下好義。以忠其上。所以事必。孟獻子曰。有終而府庫之財無悖出之患也。

大學

南

畜馬乘不察於雞豚。伐冰之家不畜牛羊。百乘之家不畜聚斂之臣。與其有聚斂之臣。寧有盜臣。此謂國不以利爲利。以義爲利也。○六反。乘。斂。去聲。○孟獻子。魯之賢大夫。仲孫蔑也。畜馬。乘。士初試爲大夫者也。伐冰之家。卿大夫以上喪祭用冰者也。百乘之家。有采地者也。君子寧忘已之財。而不忍傷民之力。故寧有盜臣。而不畜聚斂之臣。此謂以下釋獻子之言也。長國家而務財用者。必自小人矣。彼爲善之。小人之使爲國家。菑害並至。雖有善者。亦無如之何矣。此謂國不以利爲利。以義爲利也。○長。上聲。彼。爲善之。此句上

下疑有闕文誤字。○自由也。言由小人導之也。此一節深明以利爲利之害。而重言以結之。其叮嚀之意切矣。

右傳之十章。釋治國平天下。此章之與民同好惡而不專其利。皆推廣絮矩之意也。能如是。則親賢樂利。各得其所。而天下平矣。凡傳十章。前四章統論綱領指趣。後六章細論條目工夫。其第五章乃明善之要。第六章乃誠身之本。在初學尤爲當務之急。讀者不可以其近而忽之也。